

**YOSHLARNI VATANPARVARLIK RUHIDA TARBIYALASH JARAYONIDA
ZAMONAVIY TEXNOLOGIYALARNING O‘RNI**

FarDU “Pedagogika” kafedrasi katta o‘qituvchisi

Zakirova Dilfuza Saydolimovna

TDPU, “Ingliz tili nazariyasi va o‘qitish metodikasi”

kafedrasi o‘qituvchisi

Nishonova Sayyora Saidovna

Globallashuv va raqamli transformatsiya davrida yoshlarning milliy qadriyatlarini, tarix va madaniyatga bo‘lgan hissiy aloqasini, ma‘naviy iftixorini vatanparvarlik ruhida shakllantirish uchun zamonaviy axborot va kommunikatsiya vositalaridan foydalanish zarur. Bugungi kunda ta‘limda zamonaviy texnologiyalardan foydalanish nafaqat bilim olish jarayonini soddalashtiradi, balki talaba-yoshlar orasida vatanparvarlik tuyg‘usini shakllantirishga ham katta yordam beradi. Texnologik taraqqiyot bilan birga kelgan imkoniyatlar ta‘limni yanada ilg‘or va samarali tarzda tashkil etishga xizmat qiladi. Ayniqsa, zamonaviy ta‘lim platformalari, vebinarlar, onlayn kurslar, virtual muzeylar va ta‘limiy videolar, ko‘p funksiyali mobil dasturlar, interaktiv o‘qitish usullari, internet va multimedia texnologiyalari yoshlar bilan ishlashda muhim instrumentlarga aylanmoqda. Zamonaviy texnologiyalar ta‘lim jarayonida ijodkorlik va samaradorlikni oshirishda muhim ahamiyatga ega. Zamonaviy texnologiyalardan foydalanish, yoshlarning vatanparvarlik tuyg‘usini shakllantirishda muhim vosita bo‘lib, ularni faol, jamiyatga mas‘ul fuqarolarga aylantirishda muhim ahamiyat kasb etadi. Bundan tashqari, zamonaviy texnologiyalar orqali tashkil etiladigan loyihalar, forumlar va virtual konferensiyalar talabalar o‘rtasida jamoaviy ishlash va o‘zaro munosabatlarni rivojlantirishga yordam beradi. Vatanparvarlik tuyg‘usini shakllantirishda zamonaviy texnologiyalarning rolini inobatga olgan holda, ta‘lim jarayonini takomillashtirish va talabalarni faol ishtirokchilarga aylantirish maqsadida amaliy tadqiqotlar olib borish zarur. Zero, bugungi ta‘limda zamonaviy texnologiyalarni qo‘llash orqali talaba-yoshlarda vatanparvarlik tuyg‘usini rivojlantirishning asosiy usullari, strategiyalariga doir imkoniyatlarning tahlili va ularni ta‘limga joriy etilishi dolzarb masalalardan sanaladi.

Asosiy qism. Ta‘lim tizimida zamonaviy texnologik modellarni joriy etish, milliy qadriyatlar, ota-onalar va jamoatchilik integratsiyalashuvi, interaktiv ta‘lim va ma‘naviy tarbiya uyg‘unligi, xamda inson mobilligini yaratish, o‘z navbatida, talaba-yoshlarda vatanparvarlik tuyg‘usini mustahkamlashda asosiy omil bo‘lib xizmat qiladi. Mazkur omillar talaba-yoshlarda ijodkorlikni oshiradi.

Zamonaviy ta‘lim texnologiyalari orasida axborot-kommunikatsiya texnologiyalari va interaktiv o‘qitish metodlari, mobil qurilmalar va internet platformalari, veb-texnologiyalar va mass-media alohida ahamiyat kasb etmoqda. Bunday texnologiyalarning foydalanilishi, yoshlarning milliy qadriyatlarga bo‘lgan munosabatini mustahkamlash va ularni jamiyatga faol integratsiya qilishda muhim rol o‘ynaydi. Bu usullar orqali talaba yoshlarning

20-May, 2025-yil

qiziqishini uygʻotish va ularni mustaqil ishlashga ragʻbatlantirish mumkin. Zamonaviy texnologiyalar asosida Vatanparvarlik tushunchasini yoshlar ongiga singdirish maqsadida turli interaktiv usullardan foydalanish taʼlim tizimida yetarlicha yutuq va kamchiliklariga ega aslida. Bu esa, oʻz navbatida, kuchaytirilgan oʻqitish metodlari asosida sunʼiy intellektning mashinaviy oʻqitish turlarini namoyon etadi. Zamonaviy sivilizatsiya vaqtida nazoratli, nazoratsiz va kuchaytirilgan oʻqitish turlari yoshlarda yangi avlod savodxonligi uchun kelajak poydevori boʻlib xizmat qiladi. Har bir zamonaviy texnologiyalardan foydalana oladigan yetuk kadrlar oʻz maʼsuliyatlarini his etgan holda shaxsga moslashtirilgan muhit va yondashuv asosida sifatli oʻqitish metodlarini ishlab chiqa oladi. Bunda zamonaviy texnologiyalardan toʻgʻri va unumli foydalanish qonun qoidalarini, avvalo, oʻzida va yoshlar orasida tadbiq eta olishi lozim.

Vatanparvarlik tadbirlarini oʻtkazishda foydalanish mumkin boʻlgan vositalarni quyidagi guruhlariga boʻlish mumkin: multimedia va onlayn platformalar – tadbirlarda axborotning turli xil koʻrinishlari: rangli tasvirlar va grafika, matn va grafikda dinamik hamda harakatli effektlar, ovozlarning chiqishi va sintezlangan musiqalar, animatsiya, shuningdek, mavzuli videokliplar hamda videofilmlardan foydalanish; multimediyali prezentatsiyalar orqali talabalarni oʻquv jarayoniga faol jalb etish, ularning qiziqishini oshirish va bilimlarni yaxshiroq oʻzlashtirishga yordam berish. Google Classroom, Kahoot, Edmodo, Zoom, Moodle, Nearpod, Quizlet kabi platformalar aynan talaba yoshlarda oʻz bilimlarini tekshirish, taʼlim olishning samaradorligini oshirish, oʻquvchilar faolligi va diqqatini jalb qilish, oʻqituvchi va talaba oʻrtasida hamkorlikni oʻrinli tashkil qilish, masofaviy taʼlim sifatini oshirish, turli resurslardan toʻgʻri va unumli foydalanish imkoniyatlarini yaratib beradi.

Interaktiv doska va oʻyinlar – bu kompyuter yoki boshqa manbadagi tasvirlarni

projektor orqali namoyish etadigan sensorli ekran hisoblanadi. Maxsus dasturiy taʼminotga ega boʻlgan matn, rasm, video va audio maʼlumotlar tushirish imkonini beradi. Strategik oʻyinlar, simulyatsiyalar talabalarda muammolarni hal qilish, jamoada ishlash, strategik fikrlash va tezkor qaror qabul qilish koʻnikmalarini rivojlantiradi. Bu koʻnikmalar vatanparvarlik faoliyatida ham muhim ahamiyatga ega. Oʻzbekistonning mudofaa salohiyatini kuchaytirishga bagʻishlangan simulyatsiya oʻyini yoki tarixiy janglarni qayta yaratuvchi strategik oʻyinlar buning yaqqol misolidir.

Xulosaqilib aytganda zamonaviy texnologiyalarning taʼlimdagi tadqiqot va amaliyotdagi joriy etilishi, talaba-yoshlarning vatanparvarlik tuygʻusini shakllantirishning muhim omili boʻlib, ularni faol va jamiyatga masʼul fuqarolarga aylantirish borasida muhim ahamiyatga egadir. Vatanparvarlikni taʼlim dasturlariga integratsiya qilish, yoshlarning milliy qadriyatlarga boʻlgan munosabatini mustahkamlash, texnologik innovatsiyalarni amalga oshirishdagi qiyinchiliklar, ularning samarali joriy qilinishi va rivojlanishini soʻzsiz murakkablashtiradi. Ushbu qiyinchiliklarni hal qilish uchun kompleks yondashuvlar, malakali kadrlar, infratuzilma va ijtimoiy munosabatlar muhim ahamiyatga ega. Muvaffaqiyatli innovatsiyalar jamiyatda, iqtisodda va taʼlimda muhim oʻzgarishlarni taʼminlab, fuqarolarning hayotini yaxshilashga yordam beradi va interaktivlik, realizm va

emotsional ta'sir orqali talabalarning ona Vatanga bo'lgan muhabbatini va javobgarligini mustahkamlaydi.

ADABIYOTLAR RO'YXATI:

1. O'zbekiston Respublikasi Prezidentining 2023-yil 11-sentyabrdagi PQ-300-son «O'zbekiston – 2030» strategiyasini 2023-yilda sifatli va o'z vaqtida amalga oshirish chora-tadbirlari to'g'risida» Qarori.
2. O'zbekiston Respublikasi Prezidentining 2006-yil 26-avgustdagi PQ-451-son «Milliy g'oya targ'iboti va ma'naviy-ma'rifiy ishlar samaradorligini oshirish to'g'risida» Qarori.
3. Komolov S., Rahmatov Sh. Sun'iy intellekt asoslari. - T., 2022.
4. Allomov A. Texnologik internet platformalar va yoshlar. - T.: O'zbekiston yoshlar ittifoqi, 2020.
5. Yulo Vooglyad. Vatandoshlik dasturi. - T., 2023.

Global
Science
Publication